


MPP

perlu mudah mesra



PROFIL

- Chung Wei Lok**
Umur: 23 Tahun-
Asal: Ipoh, Perak
Tarikh lahir: 24 Oktober 1993
Pengajian: Ijazah Sarjana Muda Sains (Kepujian) Sains Sekitaran
Pencapaian:
- Wakil UMS dalam pertandingan Youth Eco Project 2014
 - Exco Persatuan Mahasiswa Fakulti Sains dan Sumber Alam sesi 2013/2014
 - Exco Diplomatik dan Hubungan Luar MPP UMS sesi 2014/2015
 - Timbalan Ketua Pengarah Minggu Suai Mesra UMS ke-21
 - Timbalan Ketua Pengarah Tamu Gadang UMS Timbalan Presiden Kelab Badminton UMS sesi 2015/2016

Oleh Basir Zahrom

basir_zahrom@bh.com.my

► Kuala Lumpur

Bersikap mudah mesra dan sering berdam-ping dengan mahasiswa antara pendekatan yang diamalkan Chung Wei Lok, 23, dalam melaksanakan tanggungjawabnya sebagai pemimpin mahasiswa di Universiti Malaysia Sabah (UMS).

Naib Presiden Majlis Perwakilan Pelajar (MPP) sesi 2015/2016 itu, berkata pendekatan itu diambil berdasarkan pengalaman beliau dalam bidang kepemimpinan pada zaman persekolahan yang banyak mematangkan beliau untuk menjadi seorang pemimpin berkaliber.

Sebagai pemimpin, katanya, beliau perlu bijak bergaul dan berdam-ping dengan mahasiswa lain dan berusaha memahami keperluan dan kehendak mereka di kampus.

“Apabila kita turun padang mendekati mereka, banyak pandangan dan idea dapat dikongsi bersama, malah jika ada isu atau masalah yang dibangkitkan, perkara itu mampu diselesaikan secara bijak serta rasional hasil persefahaman dan kesepakatan yang wujud antara MPP dan mahasiswa.

Semangat perpaduan

“Uniknya di UMS, mahasiswanya terdiri daripada pelbagai etnik dan jika kita dapat bersatu dan bekerjasama dengan baik, usaha itu dapat mengukuhkan semangat perpaduan dan pemuafakatan antara mahasiswa,” katanya.

Berkongsi pengalamannya dalam bidang kepemimpinan, bekas pelajar Sekolah Menengah


Kebangsaan (SMK) Jalan Tasek, Ipoh itu diberi kepercayaan menjadi pegawai sekolah sebelum dinaikkan pangkat sebagai Timbalan Ketua Pegawai ketika berada pada Tingkatan Lima.

Anak sulung daripada tiga adik-beradik itu berkata, beliau kemudiannya dipilih pula menjadi Pengerusi Persatuan Pelajar Tingkatan Enam dan Pengerusi Majlis Ketua Kelas semasa Tingkatan Enam Rendah dan Atas.

“Ibu bapa adalah orang yang sentiasa menyokong dan memberi nasihat kepada saya selama ini. Nasihat ayah kepada saya, jangan sombong apabila kita menjadi pemimpin dan sentiasa merendah diri serta belajar daripada mereka yang berpengalaman.

“Bagi saya, kepemimpinan bukanlah sesuatu yang boleh dipelajari dalam tempoh sehari dua, sebaliknya satu proses pembelajaran yang panjang dan universiti adalah tempatnya,” katanya.

Beliau akan berusaha memanfaatkan peluang berada di UMS untuk mempelajari konsep kepemimpinan dan prinsip demokrasi sebagai perediaan menjadi pemimpin pada masa depan.



Wei Lok memanfaatkan peluang di universiti untuk mempelajari konsep kepemimpinan.